



HEGAZTI USTIATEGIETAKO LANGILEEK

HEGAZTI GRIPEAREN ONDORIOZ HARTU BEHARREKO HIGIENE NEURRI OROKORRAK

HEGAZTI GRIPEAREN HEDAPENA SAIHESTEKO ETA HEGAZTIEKIN HARREMANETAN DAUDEN PERTSONEN OSASUNA BERMATZEKO NEURRIAK

araba
foru aldundia
diputación foral

Bizkaia
foru aldundia
diputación foral


Gipuzkoako Foru Aldundia
Diputación Foral de Gipuzkoa

elika
Fundación Vasca para la Seguridad Alimentaria
Nakazartzaletako Ekitalien Segurtasunerako Eusko Fundazioa

NEIKER
MEMBER OF
BASQUE RESEARCH
& TECHNOLOGY ALLIANCE


EUSKO JAURLARITZA
GOBIERNO VASCO
ENCUENTRO ENTRE EMPRESAS, INNOVACIÓN Y DESARROLLO
EUSKO ENBRETUEN ARTEAN



ZER DA HEGAZTI GRIPEA?

Hegaztiei erasaten dien gaixotasun infekziotsua da, patogenotasun altuko birus batek eragiten du, oso azkar hedatzen da eta hegaztiak akabatu egiten ditu. EBn nahitaez aitortu beharreko gaixotasunen zerrendan dago.

ZER SINTOMA DITU ETXEKO HEGAZTIETAN?

- **Ezohiko jokabidea:** deskoordinazioa, oreka galdu, makurtu, erantzunik ez, buruko eta gorputzeko dardara, hegoak erori eta/edo hankak arrastaka, burua eta lepoa okertu.
- **Ahultasuna** edo oinez ibiltzeko zailtasuna.
- **Jateko gogorik ez** eta uraren kontsumoan aldaketak, gehienetan hazi egiten da kontsumoa.
- **Arnasa hartzeko zailtasunak:** ahotik hartu arnasa, eztula, doministikuak, borborra edo traketeoa.
- **Arrautza askoz gutxiago** errun edo azal biguneko arrautzak errun.
- **Gandor eta gingil urdinak** eta puztuak, puntetan hemorragiekin.
- **Beherakoa** eta sukarra.
- **Bat-bateko heriotza** masiboak (batzuetan % 100era irits daiteke).

NOLA TRANSMITITZEN DA ANIMALIEN ARTEAN?

- Infektatutako hegaztien sekrezioekin harreman zuzena, bereziki gorozkiekin, birusa duten karraskariak edo basa-hegaztiak.
- Pentsua, ura, ekipamendua eta arropa kutsatuta.
- Kutsatutako pensua eta ura kontsumitu.
- Kutsatutako arrautza apurtuek txitak kutsa ditzakete inkubazioan.

PERTSONEI TRANSMITITZEN ZAIE?

Oso arraroa da pertsonak hegazti-gripeaz kutsatzea, baina Asia hego-ekialdean izan dira kasu batzuk, kutsatutako hegaztiekin harreman zuzena, estua eta jarraitua izan ondoren, batez ere airearen bidez.



EZARRI BEHARREKO KONTROL NEURRIAK

- Ustiatiegira pertsonen sarrera minimizatu, baita hegaztiekin ibiliko diren pertsonen kopurua ere.
- Beste ustiategietako hegaztiekin ikustaldiak eta kontaktua saihestu.
- **Eskortako hegaztiak** basa-hegaztiekin harremana izateko arriskua minimizatu. Janontziak eta edontziak instalazioen barruan jarri.
- Baserri ingurua garbi mantenduko da eta kontrolatu egingo da hegaztien eta karraskarien presentzia saihesteko eta hesiak jarriko dira ustiategian sar ez daitezen.
- Eskortako hegaztiak beste animalia espezieengandik bereizi.
- **Hegaztiak manipulatu ondoren** oinarritzko higiene-neurriak hartu, batez ere eskuak garbitu xaboi desinfektatzaileekin.
- Edateko ura erabili hegaztiak edan dezaten.

ZER EGIN ANOMALIAK EDO AKABATUTAKO HEGAZTIAK HAUTEMANEZ GERO?

24 ordutan % 20tik gorako heriotza-tasa hautematean, egoera jakinaraziko zaio bertako albaitariari, zeinak, gaixotasunaren susmoaren kasuan, berehala jakinaraziko dion egoera dagokion foru-aldundiaren abeltzaintza-zerbitzuari.

ARABA: 945 181818
BIZKAIA: 94 4066821
GIPUZKOA: 943 112987